

تورک یوردی

تورک ادبیاقلری مرکز هییتی طرفندره نشر اولنور .

جلد ۴

نموز ۱۹۲۶

نومرو ۱۹

ملى اردو مملتك وظيفه لرى

۱

ج) كرك كنج و كرك دليقانىلى قطعه لرى اصول عسكرى اوزره جزء تاملر تشكيل ايدرلر . كندى آره لرندن بالمناوبه ضابطلك و كوچوك ضابطلك ياپارلر . بولوندىقلى قطعه ده كى عسكرى قوماندانلر ، حربيه ناظرى ، اركان حربيه عموميه رئيسى بونلرله پك علاقه دارد . دائما كورورلر ، تفتيش ايدرلر ، مطالبانده بولونورلر ، تسهيلات ارئه ايدرلر ، صيق صيق استراحت تعليملى ياپديرلر ، تطبيقات اجرا ايتديرلر و بومقصدلرله اردونك وسائط و مالز مه سندن ممكن اولدنى قادار اعظمى درجه ده استفاده ايتديرلر .

د) شيمدى يه قادار هر بر سبب و صورته بر كنج ويا دليقانىلى قطعه سنده بولوندرمه مش افراد ملت ايچون ده آيرىجه تعليمكاهلر وارد . سنده درت هفته لق قورسلر آچيلير ؛ ايسته ينلر - كه مقدارى پك چوقدر - بالمناوبه بوقورسلره كلير . بونلره خرج راه ، اونيفورمه ، سلاح و يريلير ؛ طرف حكومتدن اعاشه اولونور . موظف اردودن تعليم هيئتلى ، تعليم قطعه لرى و يريلير . بنا برين بر قاچ قورس صوكرا بونلرده عادتاً عسكر اولورلر .

ه) ليسه لردن كوچوك مكاتبده (كشافلق) ناميله ده ها عملى ودها عمومى تشكيلاتى حاوى تعليم و تربيه وارد . غايه ، و نظامنامه لر ينك افاده سنجه : (بدناً قوى ، فكرآ اويانيق ، اخلاقاً متين ، اللهدن قورقار ، وطنه صادق كنجلر يتشدير مكدور . بو تشكيلاتى سابق رئيس جمهور روزو هلت احداث ايتمشدى . او قادار رغبت بولمشدر كه بونلره مخصوص نشر ايدىلن رهبرك سنده ۲ :

۳ دفعه و بهرندن لاقلا بر میلیون نسخه اوله رق طبع و نشر ایدلمکده اولدینغی سونلک بو بابده بر فکر ویرمهیه کافیدر .

..

آمریقاده کی بو تشکیلاتی خلاصه ایدرسه ک کوریورزکه : بوتون مکتبلرده علم و عرفان ده کیزلرنده عسکری تدریسات و تربیهیه هافقاده ۳ : ۵ ساعت کیمی مهم بر زمان تخصیص ایدلمشدر . بو خصوصک نظارت و اداره سی جهت عسکریهیه ویرلمشدر ، حکومت بو بابده بر چوق مادی فدا کارلق یاپغی وظیفه بیلمشدر ؛ اردو بونلره هر صورته معاونت ایتمکده در .

بوسایه ده حاصل اولان نتیجه ایسه شودر : بیوک حربدن اول آمریقانک نفوس عمومیه سنه نسبت لاشی درجه سنده ، کار قدیم اوافق بر اجرتلی اردوسی وارکن بیوک حربه اشتراک ایدنجه ، آمریقانک هر درلو تخمین و تصورک فوقنده اوله رق پک آز زمان ایچنده میلیونلر قوتنده منتظم ، تعایم و تربیه سی بولونان بر اردویی ضابطیله ، نفریله ، هر درلو مالزمه و وسائیلیله عادتاً یردن بیقارار مشجهته اورتمیه آتهرق فرانسه دارالحربنه نقل ایتمی و حربک صوک سنده موازنه عسکریه یی دول مؤتلفه طرفنه پک آغیر و مؤثر بر صورتده الیه ایتمه موفقی اولمی در . چونکه بو میلیونلر ذاتاً اردو خدمته حاضر دی ، پک آز زمان ایچنده اکال نواقصله مکمل برر عسکر اوله بیلمشاردی .

۲

انکلتزده ده

کنجلیکک عسکری تعایم و تربیه سی انکلتزده ده ۱۵۰۰ نجی سنه ده یایلمش ویکرمنجی عصر ابتداسنده بوسبتون وسعت کسب ایتمشدر . انکلتزده ده بر کره درت عصر دنبری مؤسس و کیتدجه تکمل ایتش بر چوق جمعیتلر واردرکه غایه لری صرف کنجلی عسکرلکه یتشدیرمکدر : بو جمعیتلر اک زیاده دینی

مؤسسات و تشکیلاته ، کلیسالرہ مربوط اولوب اردودن ضابط ، کوچوک ضابط و وسائط اعتباریلہ اعظمی یاردم کوردرلر . اعضاسنک مقداری یوز بیکلره بالغدر . بوندن ماعدانیم رسمی و مملکتک هر طرفه شامل شو تشکیلات واردر :

بو ۱۴ : ۱۷ و ۱۷ : ۲۵ یاشنده کی کنجدره مخصوص اولارق درت قسم حالنده در . مملکتک همان بالعموم لیسہ لری ، دارالفنونلری بو تشکیلاته داخلدر . بوتلره انتساب اختیاری ایسه ده طالبی پک چوقدر . نظارت و اداره عالیہ ، ارکان حربیہ عمومیہ رئیسہ مودوع اولوب موقع قوماندانلری دوجریجہ قطعہ آنی تقش ایدرلر . هیئت تدریسیہ و تعلیمیہ موظف ضابطاندر . درسخانہ ده اراضی اوزرنده ، خصوصی تعلیمکاهلرده نظری و عملی تعلیم و تربیہ ، استراحت و تطبیقات اولارق هافتاده ۷-۵ ساعت اشتغال ایدرلر . جوار قطعہ لرله اکثریا توحید مساعی ایلرلر . عمومیتله پیاده لک تدریس ایدیلیرسه ده بعض دارالفنونلر و صنوف مختلفه تشکیلاتی ده واردر . بو تشکیلاته داخل کنجدرک مقداری ده ۴۰۰,۰۰۰ دن فضلہ در . بهرینه حکومت سنه ده ۲,۵۰۰ انکلز لیراسی قادار پاره صرف ایدر .

کذلک دیگر برچوق مکتبلرده قاده تشکیلاتی واردر . ۱۲-۱۷ یاشنده کی چوجوقلرله اشتغال ایدر . هیئت تعلیمیہ نک مهم قسمی احتیاط ضابطانیدر . صوک زمانلرده ۲۱۳۹ بلوک اوزرینه تشکیلاتی واردی . اعضاسی ینه یوز بیکلره بالغدر . بوندن ماعدان چوجوق آوجی جمعیتلری تشکیلاتی واردر . اعضاسنه لاقل بسیط بر انداخت تربیہ سی ، قوه بدنیہ بخش ایدر . اعضاسی بر قاچ یوز بیکدر . آریجہ کشاف تشکیلاتی واردر . بوتون انکلتره یی شاملدر . ۱۰-۲۰ یاشنده کی کنجدری احتوا ایدر ، جهت عسکریہ اوصورتله یاردم ایدر ، اعضا عددی یارم میلیونہ قریبدر .

انکلز مستملکات و دومینیونلرنده ده مماثل تشکیلات واردر . شو فرقله که بونده انتساب مجبوریدر . یارم میلیون متجاوز اعضاسی واردر .

ایشته بو عظیم تشکیلاتک تأمین ایتدیکنی کوربوز ، عسکرلک حقنده فکر سلیمه و وقوف کافیه مالک ، سلاح و مالزمه استعمالنه آشینا میلیونلرجه

اردو خارجی افراد سایه‌سند در که انکلتزه بویوک حرب بدایتده فرانسه داخلنده ایلک اوکجه یالکیز ایکی و بر ایکی هافتا سوکرا ۳ قول اردو ایله المانلرک قارشوسه کله بیلیمشکن مکلفیت عامه‌یی قبول ایدر ایتمز اردوسی در حال میلیونلره جیقارمش وجداً مکمل بر اردو وجوده کتیرمشدی .

بوسایه‌ده انکلیزلر حضره اوقادار کوزهل حاضر لشمشردی که داها بویوک حربده ده کیل ساده‌جه افراد تدارک ایدم بیلیمه‌یه ، بالعکس بو میلیونلرجه انساندن مرکب عظیم اردویه مقتضی یوز بیکلرجه ضابط دخی بوله بیلیمکه وحقی ارکان حربیه ضابطی تدارکنه بیلیمه موفق اولمشردر .

۳

فرانسه‌ده

فرانسه‌نک بویوک حربدن اول ۸۰۰,۰۰۰ انسانی متجاوز حضری اردوسی و مملکتک همان بالعموم اسنان و مالزمه منابعی شامل سفری تشکیلاتی موجود اولدیغندن و احتمال بو خصوصک اهمیت لایقيله تقدیر ایدلمدیکندن مقدا بو بایده دیگرلری قادار واسع کنجلك تشکیلاتی یوقدی . فقط بویوک حربدن سوکرا فرانسه بو بایده بروجه زیر پک قوتلی بر آدیم آتدی و بوشانی تلافیه شتاب ایتدی :

کنجلكک عسکرلکه یتیشدیرلمسی خصوصی اطرافلی بر قانونه ربط اولوندی . غایه : سلاح آلتنه کله جک افرادک اوصاف حسنه‌نک تزیددی ، کنجلكک عسکرلکی سودیرمک ، سلاح آلتنه کله دن اول ممکن اولدینی قادار چوق مادی و معنوی تربیه عسکریه کوستره‌رک خدمت عسکریه مدتی تنقیص ایدم بیلیمک ، حربده اکمال نقصانی تسهیل ایلکدر .

بو مقصدله یاپیلان عموم تشکیلاتک امرو اداره‌سی ارکان حربیه عمومی‌یه عائددر ، وارکان حربیه عمومی‌یه قارشیسندم تمرکز ایدر .
بو قانونه نظراً هر کنج شو ایکی دوره‌یی کچیرمکه مجبوردر :

آلی یاشنی بئتر بیتمز تربیه بدنیه باشلار. عموم مکتبلر، خصوصی جمعیتلر، قلوبلر، مؤسساتده تربیه بدنیه یکنسقدرد، قانون ماهیتده و عموم اردو و مملکتی شامل بر تعلیمنامه یه توفیقاً یاپیلیر. بو مقصدله بر تربیه بدنیه انجمن عالیسی واردرد. امر مراقبه و اداره دوغریجه جهت عسکریه یه، محلی قوماندانلقلره طأددرد. ۱۶. یاشک ختامنده خدمت عسکریه یه حاضرلق دوری باشلار؛ اوچ قسم حالنده یاپیلیر.

برنجی قسمده: مکتبلرده، مؤسسه لرده، جمعیتلرده اصغری برزمان ظرفنده عسکری معلومات اساسیه ویریلیر.

ایکنجی قسمده: کنجک معلوماتی کوچوک ضابطلکه دوغری توسیع ایدیلیر. اوچنجی قسمده: ضابطلکه دوغری معلومات ویریلیر.

هر اوچ قسم ایچون لازمکان معلملری قسماً اردو مدیری، قسماًده صورت مخصوصده آچیلان معلم مکتبی تأمین ایدر.

بو تشکیلاته ماده و مالزمه اعتباریه اعظمی تسهیلات یاپیلیر. منطقه قوماندانلری بوبابده خاصه وظیفه داردرد. ایشته بوسایه ده فرانسه دخی تام معناسیله ملت مسلحه اولق یولنی طوتمشدر. او صورتله استقبال حربنده بوتون فرانسز ملتی، ملی اردو داخلنده کندیسنه ترتب ایده جک وظیفه عسکریه یی بلا مشکلات انفا ایده بیله جکدر.

والحاصل بو، همان هر مملکتده، هر ملتده آشاغی یوقاری بویله درد. هر ملت و هر حکومت قانعدرکه، حسن نیتارینه و صمیمیتارینه شبهه ایدلمیه جک بر چوق نظریاتجیلرک هر مملکتده موجود اولسنه و بونلرک لفظاً حربی اورته دن قالدیرمغه چالشمقده اولسنه رغماً، حرب هیچ اونازسه داها بر چوق عصرلر بشریت اوزرندده تیموقله سک قلنجی کبی معلق دائمی بر آفت اولارق قاله جقدر. عینی صورتله هر کس قانعدرکه: بو قلنجک قویوب چاریمه مسی ایچون یکانه چاره حربیه حاضرلقدر. ملتلر و حکومتلر حربیه نه راده ده حاضرسه، آره لرندده قدرت

حربيہ اعتباريلہ نہ قدر قطعی و صریح بر موازنہ موجود اولورسہ حربلرک آرہسی
آنجاک بو نسبتدہ اوزایہ جقدر. بالعکس قویلرک قارشوسندہ ضعیفلر بولنورسہ حرب
اک یقین بر زماندہ غیر قابل اجتناب اولاجقدر ؛ و بو عسکرلکجہ ضعیف ملت ،
ثروت و مدنیته نہ قادار یو کسہ لمش اولورسہ اولسون ایرکیچ بوتون موجودیتی ،
ماملکینی قوی غالبک آياقلری آلتہ سرمکہ محکوم اولہ جقدر .

کذلک آرتیق هیچ بر شک و شبہ پرورده ایدلیہ جک درجہ دہ تغیر ایتشدرک
زمانمیزک حربلرینی تک باشنہ اردودہ کیل آنجاک ، عادتاً بشیکدہ کی چوجوغنہ ، قادار
بوتون اعضایی و وسائلی ایله بوتون ملت یاپہ جقدر . بناءً علیہ وقت حضرده هر
ملتک تکمیل افرادی بر طرفدن حربہ ، وظائف حربیہ حاضر لئمہ مجبوردر .

ایشته ، خوش و یا ناخوش بویله بر لزوم نتیجہ سنده درکہ بو کون هر یرده
آنا قوجاغندن اعتباراً بوتون کنجلرہ عسکرلک سودیریلیر . تربیہ بدنیہ اساسی
صورته یاپدیریلیر ؛ عملی و نظری عسکرلک تدریس و تعلیم اولونور . او صورته که
هر فرد ملت حضرده سلاح آلتہ کلدکجہ عادتاً آز چوق یتیشمش بر عسکر حالده در .
اردودہ قاله جنی قیصہ مدت ظرفنده آنجاک تزید معلومات و اکمال عملیات ایدر .
اردو سادہ جہ بو کنجلیری یکدیگریہ لہمیلیرک کلر ، جزؤ ناملر وجودہ کتیر مکله
اشتغال ایلر . صوک زماندہ کی آلمانیا کی بعض ملتارده بو خصوص قیزلر دہ تشمیل
ایدلمش در قیزلر ایچون واسع تشکیلات وجودہ کتیر لمشدر ، یوز بیکلر جہ ، میلیونلر جہ
قیز بو تشکیلاتہ داخل اولمشدر . مقصد بر طرفدن بونلری دہ داها کور بوز بر حالده
یتیشدیرمک استقبالک صاعلام آنانریہ مالکیت ، دیگر طرفدن فکر آ و روحاً
حربہ ، ایجابات ائیمہ حربیہ آلیشدیرمق ، وعینی زماندہ عسکری بر دیسیلین
آلتندہ ، حربده قادینلرہ ترتیب ایدہ بیلہ جک انواع وظائف عسکریہ یه یتیشدیرمکدر .
(اعمال اتخانه لر ، صهییه مؤسسانده ، اعاشه تشکیلاتنده ، اردویہ کیره جک ارککلرک
اردویہ کیره جک ارککلرک یرینی اعظمی صورته و اشکال مختلفہ دہ طولدیر مقده ،
... الخ)

کنجلیکی عسکرلک ییتیشدیرمک خصوصی بویله جہ بر طرفدن حکومتلر آله

آلشکن دیگر طرفندن یا منحصرآ بو ایشله اشتغال ایتک اوزره برچوق خصوصی
جمیتر ، مؤسسه لر وجود کتیرلش وعینی زمانده اساساً موجود همان بالعموم
مؤسات اجتماعییه دخی بو ایشلرده بویوک حصه لر تفریق ایتمشدر .
تکمیل بو ایشلرک اداره و تدویری هر ملت و حکومتده جهت عسکریه
وبونکده حضرده خاصه علم و عرفان ایله و مشغول مقام عالیسنه یعنی ارکان حربیه
عمومیه سنه ویرلش اولوب ارکان حربیه عمومیه رئیس لری مملکتک عموم معارفی
اوزرنده اک کوچوک یاشدن اک بویوک یاشه قدار تکمیل طلبه پی عسکری غایه
کوره ده یتیشدیرمک ایچون پروگرام لر، اصول تدریس و تربیه ، و وسائط و مالزمه
اوزرنده مؤثر و صاحب صلاحیت قیلیمشدر .
کذلک بومقصدله موظف اردونک برچوق وسائط، مالزمه، کوچوک ضابط
و ضابط ملتک امرینه آماده طوتولش و الحاصل هر طرفده تام معناسیله ملت مسلحه لر
وجوده کتیرلمسی اساسی قبول اولونمشدر .

۴

بزرده

خارجده کی بوتون بونلره مقابل بزرده بوایشک ماضیسی : ۳۳۰ سنه سنده حربیه
نظارتنک نشر ایتدیکی (کوچ درنک لری حقنده کی نظامنامه) ایله ۳۳۲ سنه سنده
قبول ادلونان (کنج درنک لری حقنده قانون موقت) دن و بونلره استناد ایدن
برقاج تعلیماتنامه ایله ؛ بر مدت انتشار ایدرک مشتری بوله مدینی ایچون نهایت اوقه
ایله صایلان نیم رسمی بر رساله موقوته دن و بونلره استناداً بدایتده یاپیلان برایکی
شکلی و تقلیدی شیشدن عبارت قالمشدر . آره یه کیرن بویوک حرب هر شیشی آلت
واوست ایتدیکی کیبی ، بوتشیشاتی ده کاغد اوزرنده بر اقدیرمشدر . شیمدی وضعیت
نه در؟ مستغنی تفصیل عد ایدرم . هر کس کندی کندینه بونی صورار و یوقاریده
ایضاح ایتدیکم خصوصاتی کوز اوکنه آلارق بالذات جواب ویره بیلیر .
بوندن صکره نه یاپلمیدر ؟ بو یابده یالکز تمنی موقعنده یم . اولاً : خلاصه

دیه بیلیرم که : هر کس نه یاپیورسه ایسته بزده او یله یاملی یز ! دوغریسی یا کلر
ناچیز شخصه عائد اولق اوزره تمیاتی ده شویله خلاصه ایدم بیلیرم :
کوکل ایسترکه : بوتون مملکتده فرانسه ده کی کبی معین و صریح بر تربیه
بدنیه سیستمی تعین ایتسون ؛ هر یرده کنجلك عینی اساس و غایه لرله بدنی متحد
تربیه کورسون .

کوکل ایسترکه : درس کتابلر مزده عسکری مباحث حتی حد کافیدن فضل
بولونسون . مثلاً قرائت کتابلر نده اوقادار متنوع عسکری یازیلر موجود اولسون
بر طلبه درجه درجه بونلری اوقودقچه بر طرفدن عسکرلکی سوسون ، مدافع
وطنک لزوم و قدسیتی آکلاسون ، بونک افراد ملتن نلر بکله دیکنی تفهم ایتسون
عسکرلکک اساسلری ، سلاحلری ، اوصاف معنویه سی حقدده صریح فکر
آلسون ، مثلاً تاریخ کتابلر مزده تورک اردولرینک اک اسکیلرندن اک یکیلرین
قادر مهم سفرلری ، ملحمه لری ، قرائت یعنی شان و شرفلری کوره بیلسون ؛ مثلاً
بر مهاج ملحمه سی ساده جه : « قانونی سلطان سلیمان اردوسی مهاج نام موقعد
انکروس قرالنی مغلوب ایتدی » دن عبارت اولارق دکل ، بو بی مثال میدان
محاربه سی خطوط عمومیه سیله کورسون . بونک ایچون اللرینه آوروپاده اولدینی
کبی بویوک برووقوف ایله ترتیب ایدلش ، مکمل باصیلش تاریخی اثرلر ویرلسون
حتی حساب درسنده ، اعمال اربعه مثاللر نده بیله ساده جه باطلیجان ، جوال
وسائر جمع و طرح ایدم جکنه مثلاً شو قادر کشیه بر بلوک دیرلر ، شو قادر
بلوک بر طابور ایدر ، شو قدر طابوری جمع ایدر سه کز نه اولور ؛ کبی عسکری
مثاللر کورسون .

حتی هندسه درسندن مثلاً بر اسطوانیه مثال اولارق بر ناملو محیطنی ، بر
مخروطدن قیصه مثال اوله رق ناملونک سطح خارجیسی ، بر زاویه یه مثال اوله رق
طوب ناملوسی ایله قونداغنک ویا تفنک ناملوسی ایله قونداغک آره سندم کی آجیققلتی ده
کورسون .

مثلاً جغرافیا درسنده ساده جه ازیره طاغلری ، نهرلری ، عینی اسملی مواقعی

وسائرہ بی صایہ جفٹہ بونلرلہ برابر برآز خریطہ قرتی او کرنسون ؛

مثلاً رسم درسندہ ؛ براز قروکی چیزمکی کورسون ... الخ.

کوکل ایسترکہ : مکتبلرده طلبہ یه عسکرلک حقندہ واضح وصریح تلقینات
یاپلسون، عسکرلک سودیرلسون ؛ بوکونک برچوق عسکرزاده چوجقلری کیبی
عسکرلکدن قورقاسون ، نفرت ایتمسون ؛ ملتمزک تاربخندہ ، حق ماضی قریبده
مدافعة وطن ساحه سندہ فرداً واجتماعاً کوستردیکی نامتناهی بویوکلکلرک مثاللری
ایله قولاغی وروچی اشباع ایدلسون !

کوکل ایسترکہ : ہر فرد ملت، اک قدسی برمسلاک وصنعتک عسکرلک اولدیغی
روحاً وقناعۃ ادراک ایتمسون ؛ ہر سنہ مکاتب عسکریہ یه ، یالکیز کیمسہ سزلیر ،
یچارہ لردہ کیل، مملکتک اک منور، مرفہ فردلرندن دخی بویوک تہاجلر اولسون
واوصورتلہ کہ بز عسکرلر انتخاب وتفریق مجبوریتندہ قالہلم.

کوکل ایسترکہ : مطبوعات بو بابده دخی خلقی دائماً ایقاظ وارشاد ایتمسون
زیردہ سویلنہ چکی اوزرہ ، کندی عسکرلکمزدن بحث ایتمہ مک شرطیلہ ،
دیگر مملکتلرک اردولرندن ، تشکیلاتندن، کنجلری عسکرلک احضار صدندہ
یاہمقدہ اولدیغی شیاردن جوق وصیق بحث ایتمسون . دیگر طرفدن منورلرمز بو
بابده اثر یازوب نشر ایتمکدن بیقمسون ، خلقہ ہر فرصتدن بالاستفادہ تلقیناندہ
بولونمقدن اصلاً اوصاتمسون .

کوکل ایسترکہ : بزددہ عن قریب ایزجی، کشاف اردولری تشکل ایتمسون؛
سوقاقلردہ بر مملکتندہ جمعاً ۵۳۳ غروب کچمز، ہر غروب ہنس اون چوجقدن
مرکب شکلی وتقلیدی ایزجیلر یرینہ تام معناسیلہ جزؤتاملر، تشکیلات، تعلیمکام
وسائرہ کوردہلم .

کوکل ایسترکہ : جہت عسکریہ بوبابده کی مطالباتی تثبیت ایتمسون؛ بومطالبات
قبول وتعیب اولونسون؛ اردو نقطۂ نظرندن دخی ملت ایچون تعلیمکام وظیفہ سنی
کورسون، اردو ایله ملت داہا حضرده یکدیگریلہ قایناشسون.
والحاصل تمنیاتی دہا زیادہ تفصیل موجب صداع اولور .

بنده کز بو بایده اک بویوک همتاری و موفقیتلری باشلیجه معلم اردو مزک ارکان قافله سندن ، عینی زمانده بو کون کرسیسنده معروضانده بولونقله مباہی اولدیم علمی و محترم تورک او جاقلرندن بکلم . باخصوص معلم اردو مز آ ز چوق رسی پروگراملر و کتابلر ایله چرچیوه لی اولدینی حالده تورک او جاقلری تماماً سربستی حرکت مالکدر ؛ ایسته می ایله یامسی آره سنده همان ده فرق اوله ماز . کرجه کیسه نامنه سوز سویلک صلاحیتی حائر دکم ، فقط « بو مساعی به هیئت ضابطان دخی شیمدیلک صورت خصوصیه ده اللرندن کلن معاوتی ایفا صورتیله اشترا که آماده در ، دیرسم ، ظن ایدرم هیچ بر سلاح آرقداشم بی تکذیب ایتمز . تکرار ایدرم ، ملتی و مملکتی سلامت کامله به ایریشدیره جک و سلامت و سعادتده ادامه ایلیه جک یوللردن بریسنی ده آنجق کینجکک عسکرلکه صورت احضارنده در .

* *

شونی ده عرض ایتمک ایسترم :

بو غایه بی تأمین ایده جک واسطه لردن بریسنی ده شبهه سز کتابدر و بو کتابلرک مهم بر قسمی عسکرلرک یازمسی لازمدر . فقط تبشیر ایده بیلیرم که اردو مز بو ساحه ده دخی داها بو کوندن مهم بر ترقی کوسترمش اولدینی کیی بوندن سوکراده متزاید بوسرعتله کاله دوغری یورویه جکدر .

مکاتب عسکریه نک ، دیگر دواثرک نشر یاتندن ومدوناتندن صرف نظر یالکر ارکان حربیه عمومیه ۳۴۱ سنه سی ظرفنده جمعا یکون بویوک بویده ۱۵۰۰۰ صحیفه یه یاقین ۱۵۰ عدد ایریلی اوقاقلی کتاب نشر ایتمشدر . بالخاصه متارکه دنبری نشر ایدیلن یکی کتابلرک مقداری بو رقلرک ۴-۵ مثلی بولمشدر .

بو اثرلرک بر قسمی صرف فنی ، بزه متعلق کتابلر ایسه ده دیگر بر قسمی غایت قیمتدار تاریخی ، جغرافی عمومک استفاده سنی کافل فنی قولکسیوندر ؛ داها بو کوندن ملتک استفاده سنی تأمینه حاضردر . حالوکه نه یازیقدر که اردو خارجنده بونلرک مشتریسی همان ده یوقدر . منتظماً اداره خانه لرینه برر عدد تقدیم ایتدیگمز حالده یومی غزته لر بونلرک انتشارینی بیله خبر ویرمک زحمتی اختیار ایتمه مکده درلر . غیر عسکری هیچ بر مکتب و هیچ بر مؤسسه بونلردن صاتون آلمه مشدر !

کیزی قوت

شیمدی دیگر مهم بر مسئله دن بحث ایده جکم :
عسکری، مادی حرب؛ کوزله کوریلیر، آل ایله طوتولور بر ماهیتده در .
ایجاباتی تطمین ممکن مرتبه قولایدر. فقط بو کون برده بوصورتله کورلمه ین غیر مرئی
بر مجادله داها واردر که بونک عناصری کیزی قوتلردر .

کیزی قوتلر باشلیجه پروپاگاندا و مقاصد مختلفه ایله استخدام ایدیان جاسوس
عنصرلری حاویدر . کرچه بونک ده تاریخی بشریتک ماضیسنه کومولیدر ؛ نه
زمان باشلادینی معلوم دکلدر ؛ فقط تاریخک هر دورنده آز چوق موقع تطبیقه
قوندینی معلومدر. فقط هیچ بر زمان دونکی و بو کونکی و یارینکی قادار کسب اهمیت
ایتمه مشدر. اساساً حرب بر قهرمانلق تمثالیدر ، جسارت، شجاعت، فراغت نفس،
صداقت ، اطاعت و انضباط ، استحقار حیات ، وطن و ملت عشق و محبتی ، ایش
باشنده اولدیرمک و فقط تسلیم اولان صاعلام و یا یارملی دوشمانه بر انسان معامله سی
ایتمک الخ کبی بر چوق اوصاف عالییه محیط و موجبدر .

کیزی قوتلر حربنده ایسه بو وصفلرک همان هیچ بریسی یوقدر . غایه
وارمق ایچون هرشی مباحدر ؛ و بو سیبله درکه یو کسک و تمیز انسانلرک بو جدال
قارشوسنده بویوک بر ضعفی واردر .

شیمدی بونی ده براز تفصیل ایده جکم :

کیزی قوت نقطه نظرندن تکمیل حکومتلر و ملتلر آره سنده دائمی حال حرب
حکمر مادر . ایکی ملت و حکومت ظاهراً مناسبترنده نه قادار صمیمی و دوست
اولورلرسه اولسون ، حق اشتراک منافعه مستند قوتلی باغلرله متفق بولونسونلر ،
یکدیگرینه قارشو پروپاگاندا و جاسوس حربندن اجتناب ایده مزلر .

پروپاگاندا: کرک حضرده و کرک سفرده دوشمانک، یعنی کندی ملتندن ماعدا
اولان بوتون ملتلی، کندی آما مزه رام ایتمک غایه سیله یاپیلان هر درلو تشبثاندر؛

اساس سلاحرى يالان ، اغفال ، رياء ، نمايش ، بلوفدر . واسطه لرى كتاب ، غزته ،
هردرلو معمولات و مصنوعات اوزرينه يازيله جق بر قاچ كله ، ياپيله جق رسم و سائر
ايله . تياترو ، سينه ما ، جمعيتلر ، مؤسسه لر ، سياحر ، رسمى مأمورين اجنيه
قادين ، قومار ، ايچكى ، بونلرك هپسنى جامع اولارق پاره ، دين و اعتقاد ...
والحاصل خاطره خياله كله بيله جك وحقى كله ميه جك هرشيدر .

اك بويوك تهلكه سى طبيعىلكن تفریقك پك كوچ اولمسيدير ؛ چونكه ذات
پروپاگاندا موقفيتك شرط اصليسى ياپيلان شيك پروپاگاندا اولديغك فرق
ايديله ميه سى در .

ساحة فعاليت و تأثيرى : بلا استقنا ملتك بوتون بنية اجتماعيه سى در . مملكت
و ملتك نرمسند مساعد بر نشوونما زمينى بولورسه در حال اوراده طولاني و دال
بوداق صالمغه باشلار . بر كون شايقيه استناد ايدر ، ديكر بر كون هر هاكي بر عمل
غروبي آره سنده موجود خوشنود سزقلر اوزرنده برلشير ؛ سفيلرى ، بدبختلى
زنكينلرى ، مرفه لرى هر كسى ، هر شينى احاطه ايدر . هر كك شخصى دوشونجه سى
و آرزوسيله برابر يورور .

پروپاگانداك برده حكومتجه داخله ، كندى ملتنه قارشى ، آمال مليه
و حكومتك غايه لرني تأمين و تسهيل و احضار ايچون ياپيلان مشروع ديه جكز
قسمى واردركه بوراده صدد خارجيدر .

جاسوس قسماً پروپاگاندا واسطه سيدر و پروپاگانداي اكمل و قوتترول ايدر
قسماً پروپاگانداك نتيجه لرى ، تأثيرلرى ، دوشمانك عسكرى و غير عسكرى هر
درلو احوال و وضعيتى حقنده معلومات آلمنى ، وحقى تخريبات كيى مادي غايه لرى
استهداف ايدر .

جاسوس ، دوغريجه كندى ملتلك بر فردى ايسه ، بذاته پك فداكار ، مه
وظيفه لر ايفاسنه مأمور و كندى ملتى ايچون محترم بر انساندر . صورت مخصوصه
يتيشديريلير ، مكاتبلى حقى مكاتب عاليه سى واردر . بويوك بر كيزلى تشكيلا
باغليدر . هر كك يعنى ، صريح بر وظيفه سى ، طرز عباره سى ، طرز فعاليتى واردر .

مع هذا ، حتی بر خیلی انسانلر پاره و منفعت مقابلی دخی کنندی ملتی علیهنه دوشمانک جاسوسلغنی قبول ایدر .

جاسوسلک بو یوک تهلککسی خارجاً باشقه انسانلردن غیر قابل تفریق اولوشیدر . جاسوس ؛ صوفته نک یاننده صوفته ، عسکرک یاننده عسکر ، دینسزک یاننده دینسز ، وطنپرورک یاننده وطنپرور ، آجک یاننده آج ، طوقک یاننده طوقدر ، هریره کیر ، هریرده واردر ، اکثریا حتی فعالیت بیله حس ایدلر .

برقاج مثال ایله معروضاتمی تأیید ایدیم :

بروپاغاندا : اک پارلاق اورنک ، بویوک حربده آلمان ملتک ده ویریلیشیدر ؛ ماضی ده تیمورلنکک ییلدیرم اردوسنی ده اک زیاده یکی التحاق ایتنس مملکتلرک آناتولی عساکری آره سنده یاپدینی پروپاغاندا ایله ده ویرمسی کبی .

آلمان اردوسی لاشک بی مثال برقوه حربیه ایله مجادله یه آتیلمشدی . ساده جه عدداً موازننده وفائق اولدینی محللرده ده کیل پک ضعیف بولندینی دارالحرکاتلرده دخی بدایتده پارلاق عسکری ظفرلر قازانمشدی . دشمنلر اوته دنبریده بو فکرده اولقله برابر ، آز زمانده صراحتاً آکلاتمشلردرکه آلمانیا یی ساده جه عسکرلک ساحه سنده ده ویرمک غیر قابلدر . بناءً علیه رول و تربیه یه نسبت داها حضرده دخی قیاس قبول ایتمز درجه ده واسع اولان کیزلی قوتلرینی یوسبتون تقویه ایدرک کیزلی حربی تشدید ایتشلردی .

بدایتده کیزلی قوت اک زیاده اردویه هجوم ایتش ، فقط بوراده مساعد بر زمین پولامیه رق تأثیر تام کوسترمه مشدی ؛ بناءً علیه هدف درحال ده کیشمش ، کیزلی قوت اک زیاده ملته هجوم ایتش ، و آلمان ملتک بوکا قارشى جداله حاضرلنمه مش اولسی یوزندن بو مساعد زمینده آز زمان ظرفنده بویوک تأثیرلر کوسترمش ، یعنی آلمانیا داخلنده حرب علیهدارلنی کوندن کونه کسب قوت ایتش ، غره ولر بربرینی ولی ایتمکه باشلامش ، ملتک افکار سیاسیه سنده کی ابتدائی وحدت پارچه لانمش ، بر جوق سیاسی فرقلر و جمعیتلر بن داها دوغروی دوشونیورم بنمکی دوغریدر دپه تفرقیه دوشمش ، صلح آرزوسی اورتیه چیقمش ، بو آرزو کوندن کونه

بسیله نغش، حکمدارلق علیهدارلری چوغالمش، رادیقال سوسیالیستلر وقومونیستلر میدان بولمش، هر طرفده عدم ممنونیت تزیاید ایتمش،... والحاصل آلمانیا داخله انحلال واختلاله آماده برحاله کتیرلمشدی.

دیرکن ملی اردونک یکانه منبع قوتنک ذات ملت اولدینی حقیقتی تام صورتده تاید ایتمه باشلامشدی: یعنی، دوغریجه اردویی صارصه میان پروپاغندا ملتی بو حاله کتیرنجه قلعه ایچندن فتح ایدلمش، ملتده کی حال درحال اردویه عکس ایتمه کچیکمه مش، اردوده معنا و ماده انحلاله باشلامشدی.

ایشته بوصورتله اولفون برحاله کلمسی نتیجه سیدرکه نهایت دوشمان اردولرینک بر تکمه سی، اوزمانه قادار صاییسز بویله ضربه لک بر طرف ایدلمش بولونمش رغماً آلمان اردولرینی مغلوب ایتمش، آلمانیا ده اختلال باشلامش قوجه حکومت ده ویریلوب کیتیمشدی.

جاسوس حقنده بر ایکی مثال: داها بویوک حربدن اول برفرانسز قوه قوماندانی آلمان جاسوسی، بر آوستریا قول اردو ارکان حربیه رئیس روس جاسوسی، انهای حربده آلمان قرارگاه عمومیسنده کی صحرا ژاندارمه قوماندانی فرانسز جاسوسی ایتمش کی بو کونکی نشریاتدن آکلایوروز! بزم بویوک حرب بمزانشنده مثلا ارضروم حوالیسنده اوزون مدتدر توظن ایتمش، بش وقت نمازنده، هر کسک حسن حاله شهادت ایتدیکی بر اختیارکده روس جاسوسی اولدینی تحقق ایتمشدی! استقلال حربی آناسنده کی مصطفی صغیر مسئله سی هنوز اونوتلیه جق قدر یکیدر.

..

مثاللری داها زیاده اوزانمغه لزوم کورمیورم. بو قادارجق معروضات بیله ارانه کافیدرکه بو کیزلی قوتلره قارشى ملتان بویوک وظیفه لری واردر. بو وظیفه لری لایقیله قاورانماز، تعقیب ایدلمزسه حکومتک تدابیر متقابله ومانعه سی ایسترایسته مز محدود تاثیرلی قالیر. بو وظیفه لری شویله دوشونه بیلیرز:

۱ — حکومتنه منسوب هر فرد وظیفه سی اعتباریله تام صورتده کتوم و مراقب

اوللی . یعنی هیچ کیمسه کندیسنه عائد اولیان و مافوقه متعلق بولونان بر ایشی تعقیب ایتمه ملی، صورمه ملی؛ ایشه دائر علاقه سز بر کیمسه نک صوراجنی هر هانکی بر شیئه مطلق صورتده جواب ویرمه ملی، محافظه سی کندیسنه مودوع محرم خصوصاتی امنیت تامه آلتنده محافظه ایتلی.

۲ — حکومتنه منسوب اولیان هر فرد، مأمورین حکومتله تماسنده، ایسترسه الک یقینی اولسون، ایشه دائر برشی صورمه ملی، سویلتمه ملی.

۳ — بویله برشیئی صوراندن و سویله یندن درحال شبهه ایدملی، شبهه براز قوتلیجه اولورسه بو آدمی در حال حکومت محلیه یه اخبار ایلکی وطنپرورلک وظیفه سی عد ایتلی.

۴ — حکومت وظیفه وایشیله علاقه دار انسانلر ایشه عائد مباحثه لرینی تراموای، واپور، غازی نو، سوقاق کبی عمومی محللرده اصلا یاپمه ملی؛ جاسوس هر یرده حاضر و ناظر در، هر یرده دیکلر!

۵ — هیچ بر کیمسه دوزیجه کندیسنه متعلق اولیان بر امر حکومتی تعقیب و تدقیقه مراقلی اولمه ملی. بزه تعاملی اولدینی وجهله « خبرک واری برادر، سکا مخصوص اوله رق سویلیورم: فلان شی سویله ایش ... » طرزنده خبرجیلیکدن قطعاً واز کچملی و بو بابد شونی دوشونملی که کندیسنه اوشیئی خبر ویرن کیمسه احتمال سجلی بر جاسوسدر، کندیسی بو سوزی باشقه لرینه آقطارمه ایتمکه بیلمیه رک بو جاسوسه خدمت، یعنی منافع وطنیه خیانت ایتمکده در.

۶ — بو بابد مطبوعاته ده مهم وظائف ترتب ایدر:

بر کره عسکرلکه متعلق ولو لهده ویا عایده هیچ بر شی یازمه ملی « آنجاق حکومتک تبلیغاتی، وارسه، یازمقله اکتفا ایتلی در. بو ماده اوقادار مهمدر که بز عسکرلر بیله هانکی شیئی محرم طوتمق لازمدر، هانکیسی لازم ده کیلدر، بونی هر وقت قطعیتله کسدرمه یز. زرده قالدی که عسکرلکه بالفعل مشغول اولیان غزته اداره خانه لری بونی کسدرمه بیلسون. قالدی که بو محرم و غیر محرم، شهر و مملکت کوره ده دیکشیر.

مثلاً آوروپاده وقت حضر تشکیلات عسکریه سی صورت عمومیه ده غیر محرمدی.
حق عمومیه مخصوص کتابلرده دخی بوبابده تفصیلات کافیہ واردی. فقط بونی، بویله
یایمه نك موافق اولمسندن دکل، بونلرک اوراده صاقلانامایاجق بر حالدہ بولو.
نمسنندن در. آوروپاده کی مواسلات، مناقلات، ملتار و حکومتلر آره سنده کی
مناسبات، نه قادار صاقلانسه، آرزمانده یته میدانہ چیقار. بونلری صاقلامق ممکن
اولسه ایدی صاقلالردی.

بزده ایسه وضعیت بویله دکلدر: مثلاً داخلی آناتولی حالاً مواسله اعتباریلہ
بک خفیف بر حالدہ در. کیدنلر، کلنلر قولایجه قونترول ایدیله بیلیر. دوشمان،
داخلده کی تشکیلات عسکریه مزی آوروپاده کی کی قولایجه تحقیق ایدہ مزی. مثلاً
چمشکز کده بر آلایمی وار بر فرقه می؟ بو کندیسی ایچون چوق مهم بر مشلہ در.
بردرلو تحقیق ایدہ مزی. فقط دیرکن کونک برنده بر غزته ده چمشکز کده کی فرقه
قوماندانی استانبوله کلشدر دیه کلنلر کیدنلر حوادثی آره سنده بر خبرگورونجه
وضعیت کندیسی ایچون تنور ایدر، بو غزته بیلیمه رک دوشمانک اکمکنه یاغ
سورمش اولور.

کذلک مثلاً بر حدود قول اردو قوماندانک مرکز حکومتہ کیتدیکی طرزنده
حوادث ده جاسوسلر ایچون چوق مهمدر. در حال بر چوق عجبار خاطرلرینه کلیر
ویشنه دوشرلر. حالبوکه مشارالیه کیتدیکی غزته یه یازمق ملتجه کیمسه یی
علاقه دار ایتیه جک برشیدر!

عینی صورتله مکتبلر مژدن هر سنه نشأت ایدن ضابطانک عددی، فوطوغرافلری
شو قادار عدد طیاره کلدی، بو قادار عدد فلان شی آلندی، شویله اولدی بویله
اولدی کیی صرف غزته طولدیرمق ایچون یازیلہ جق سطرلرکده زمان اولورکه
بک بویوک بر قیمتی اولور.

بناءً عایه غزته لر کندی عسکرلکمزه ومدافعه وطنه متعلق بالعموم ایشلر مژده
مطلق صورتده کتوم اولمی، بوکا مقابل ملل خارجیہ نك عسکرلکی وحرکاتی
حققنده ممکن اولدینی قادار اوزون یازیلر یازمیلدر. مثلاً سنه لردنبری بر ریف حربی

دوام ایدیور . بو پک مهم بر حادثہ عسکریہ در . اولہ ایکن هیچ بر غنہ دہ ،
یومی آژانس تلغرافلری مستثنا ، بوکا دائر تک یازیلش سطر کورمدہ ، نہ یازیق !

معروضاتمدن حضار کرام ! کر کندیلرینہ یکی و بیلمدکلری هیچ بر شی
سویله مدم فکرنده ایسہ لر بوندن ملت واردو حساسنہ یالکیز مفتخر اولورم .
چونکہ کندبجہ پک مهم عد ایتدیکم اساسات معروضہ نک ذاتاہر کون آکلاشیلمش
وقاورانیلمش اولدیغی ارانہ ایدر .

ارکان حربیہ مکتبی تاریخ حرب مدرسی

قائم مقام بروسلر

محمد نہاد